



11
3939

Bosnia and Herzegovina
Federation of Bosnia and Herzegovina

CANTON SARAJEVO
Government

0707 .cn- 5 0

Broj: 02-04-6172-8/26
Sarajevo, 26.02.2026. godine

Na osnovu člana 26. i 28. stav (2) Zakona o Vladi Kantona Sarajevo („Službene novine Kantona Sarajevo”, broj: 36/14 - Novi prečišćeni tekst i 37/14 - Ispravka), člana 35. i 40. Zakona o izvršavanju Budžeta Kantona Sarajevo za 2026. godinu („Službene novine Kantona Sarajevo“, broj: 52/25) Vlada Kantona Sarajevo, na 117. sjednici održanoj 26.02.2026. godine, donijela je

O D L U K U
O USVAJANJU PROGRAMA UTROŠKA SREDSTAVA TEKUĆIH TRANSFERA I
IZDATAKA ZA NABAVKU STALNIH SREDSTAVA UTVRĐENIH BUDŽETOM
KANTONA SARAJEVO ZA 2026. GODINU ZA MINISTARSTVO ZA ODGOJ I
OBRAZOVANJE

Član 1.

Usvaja se Program utroška sredstava tekućih transfera za: „Tekući transferi pojedincima“, „Tekući transferi neprofitnim organizacijama – predškolsko i osnovno obrazovanje“, „Tekući transferi neprofitnim organizacijama – srednje obrazovanje“, „Tekući transferi neprofitnim organizacijama – pomoćne usluge u obrazovanju“, i izdataka za nabavku stalnih sredstava i to za: „Nabavka stalnih sredstava u obliku prava“, utvrđenih u Budžetu Kantona Sarajevo za 2026. godinu na razdjelu Ministarstva za odgoj i obrazovanje Kantona Sarajevo.

Član 2.

Programom utroška sredstava tekućih transfera i izdataka za nabavku stalnih sredstava vrši se raspodjela sredstava unutar navedenih pozicija utvrđenih Budžetom Kantona Sarajevo za 2026. godinu za Ministarstvo za odgoj i obrazovanje Kantona Sarajevo (u daljnjem tekstu: Ministarstvo) kako slijedi:

R. br.	Ekonomski kod	Transfer/ naziv programa	Svrha programa	Korisnik/ kategorija korisnika	Izvor	Iznos sredstava KM
1.	614200 LAM007	Tekući transferi pojedincima				1.000.000

1.1	614200 LAM001Z	Stipendije učenicima	Stipendiranje učenika deficitarnih zanimanja školska 2025./2026. godina, i talentovanih i nadarenih učenika, potsticanje učenika za upis u srednje škole na deficitarna zanimanja	Učenici srednjih škola	„10“- budžet	600.000
1.2	614200	Nagrade učenicima	Priznanja i nagrade za postignute uspjehe učenika na federalnom, državnom i međunarodnom takmičenju	Učenici osnovnih i srednjih škola	„10“- budžet	300.000
1.3	614200 LAM005Z	Troškovi zdravstvenog osiguranja učenika	Obavezno osiguranje redovnih učenika koji nisu osigurani po drugom osnovu, odnosno kao članovi porodice osiguranika	Zavod zdravstvenog osiguranja Kantona Sarajevo	„10“- budžet	100.000
2.	614300 LAN0Q6	Tekući transferi neprofitnim organizacijama – predškolsko i osnovno obrazovanje				21.998.510
2.1	614300 LAN038Z	Nabavka udžbenika za učenike osnovnih škola	Nabavka udžbenika za učenike javnih osnovnih škola	Dobavljači za troškove realizacije programa	„10“- budžet	2.000.000
2.2	614300 LAN044Z	Škola plivanja za učenike	Realizacija specifičnog oblika nastave iz nastavnog predmeta Tjelesni i zdravstveni odgoj za učenike IV razreda	Olimpijski bazen „Otoka“, Univerzitet u Sarajevu- Fakultet sporta i tjelesnog odgoja, općine koje učestvuju u realizaciji programa	„10“- budžet	250.000

2.3	614300 LAN052Z	Eksterna matura	Realizacija eksterne mature za učenike osnovnih škola u skladu sa zakonom	Angažovani nastavnici i saradnici	„10“- budžet	80.000
2.4	614300 LAN072Z	Škola skijanja za učenike	Realizacija specifičnog oblika nastave iz nastavnog predmeta Tjelesni i zdravstveni odgoj za učenike VI razreda	Dobavljači za troškove realizacije programa ZOI84 Angažovani nastavnici i saradnici	„10“- budžet	290.000
2.5.	614300 LAN077Z	Inkluzija	Finansiranje stručnog kadra, programa i projekata iz oblasti inkluzivnog odgoja i obrazovanja radi obezbjeđenja što boljih uslova za obrazovanje djece sa poteškoćama u razvoju	Škole, udruženja i fondacije	„10“- budžet	50.000
2.6	614300 LAN086Z	Realizacija škole u prirodi za učenike IV razreda	Realizacija specifičnog oblika nastave u prirodnom ambijentu za učenike IV razreda	Dobavljači za troškove realizacije programa	„10“- budžet	950.000
2.7	614300 LAN093Z	Sufinansiranje predškolskog odgoja	Povećanje obuhvata djece predškolskim odgojem i obrazovanjem u skladu sa Programom Vlade	Privatne predškolske ustanove	„10“- budžet	17.800.000
2.8	614300	Sufinansiranje produženog boravka	Sufinansiranje boravka djece u produženom boravku u školama kao javnim ustanovama	Škole, dobavljači za troškove realizacije programa	„10“- budžet	278.510
2.9	614300 LAN083Z	Škola planinarenja	Realizacija specifičnog oblika nastave za učenike VII razreda	Dobavljači za troškove realizacije programa	„10“- budžet	300.000

3	614300 LAN0Q7	Tekući transferi neprofitnim organizacijama – srednje obrazovanje				420.000
3.1	614300 LAN078Z	Njegovanje kulture sjećanja	Njegovanje kulture sjećanja kroz projekte poput posjeta učenika drugog razreda srednjih škola Memorijalnom centru Srebrenica - Potočari i drugih projekata	Dobavljači za troškove realizacije programa (prevoz učenika, hrana)	„10“-budžet	150.000
3.2	614300	Sufinansiranje učešća u „Maršu mira“	Učešće učenika škola sa područja Kantona Sarajevo na „Maršu mira“ u cilju njegovanja kulture sjećanja	Dobavljači za troškove realizacije projekta	„10“-budžet	100.000
3.3	614300 LAN068Z	Realizacija dualnog obrazovanja	Implementacija Zakona o dualnom obrazovanju	Dobavljači za troškove realizacije programa	„10“-budžet	170.000
4	614300 LAN0Q9	Tekući transferi neprofitnim organizacijama – pomoćne usluge u obrazovanju				2.120.000
4.1	614300 LAN002Z	Realizacija kurikuluma u širem smislu	Reforma odgojno-obrazovnog sistema-izrada dokumenata kurikuluma kojim se mapira obrazovna reforma, realizacija vannastavnih aktivnosti, pitanje dobrobiti i zaštite učenika, programi profesionalne orijentacije i stručnog usavršavanja	Realizatori programa kurikularne reforme	„10“-budžet	30.000

4.2	614300 LAN030Z	Realizacija Zakona o bezbjednosti saobraćaja na putevima u Bosni i Hercegovini	Realizacija programa i projekata, a u skladu sa Zakonom o osnovama bezbjednosti saobraćaja na putevima u Bosni i Hercegovini	Udruženja i fondacije, realizatori projekata iz oblasti Zakona o bezbjednosti saobraćaja na putevima u Bosni i Hercegovini	„10“- budžet	50.000
4.3	614300 LAN57Z	Stručna edukacija nastavnika i ostalih zaposlenika, edukacija iz oblasti bezbjednosti saobraćaja	Jačanje kompetencija nastavnika, sekretara škola, stručnih saradnika i članova školskih odbora u predškolskim ustanovama, osnovnim i srednjim školama, edukacija u skladu sa Zakonom o osnovama bezbjednosti saobraćaja na putevima u Bosni i Hercegovini	Ustanove, realizatori edukacije	„10“- budžet	20.000
4.4	614300	Stručno usavršavanje u inostranstvu	Inoviranje odgojno-obrazovnog procesa, podizanje kvaliteta nastave, provođenje kurikularne reforme i usavršavanje odgojno-obrazovnog kadra	Realizatori programa, nastavnici i drugi zaposleni, ustanove iz nadležnosti Ministarstva	„10“- budžet	80.000
4.5	614300 LAN061Z	Osiguranje zaposlenika u ustanovama	Osiguranje zaposlenih u javnim ustanovama iz nadležnosti Ministarstva	Dobavljači za troškove realizacije	„10“- budžet	500.000
4.6	614300 LAN062Z	Osiguranje školskih objekata i opreme	Osiguranje objekata javnih ustanova iz nadležnosti Ministarstva	Dobavljači za troškove realizacije	„10“- budžet	200.000



4.7	614300 LAN069Z	Nagrade nastavnicima za ostvarene rezultate učenika na takmičenjima	Nagrade nastavnicima čiji su učenici ostvarili zapažene rezultate na takmičenjima učenika, u skladu sa kolektivnim ugovorima	Škole kao javne ustanove, nastavnici	„10“- budžet	400.000
4.8	614300	Organizacija i realizacija Informatičke olimpijade	Organizacija i realizacija Informatičke olimpijade	Dobavljači za realizaciju Informatičke matematičke olimpijade	„10“- budžet	70.000
4.9	614300 LAN091Z	Organizacija i realizacija takmičenja i manifestacija učenika i učešće učenika na međunarodnim takmičenjima, olimpijadama i manifestacijama	Organizacija i realizacija kantonalnih takmičenja učenika osnovnih i srednjih škola, podrška za učešće učenika koji su se plasirali na veći nivo takmičenja, učešće na međunarodnim manifestacijama	Organizatori takmičenja, škole, dobavljači za realizaciju troškova takmičenja	„10“- budžet	120.000
4.10	614300 LAN074Z	Održavanje i unapređenje informacionog sistema EMIS	Analiza postojećeg sistema; nadogradnja i unapređenje postojećeg softverskog rješenja prema potrebama Ministarstva, a u skladu sa zakonskim i podzakonskim aktima; usluga održavanja sistema; kreiranje uputstava za korištenje i edukaciju korisnika	Univerzitet u Sarajevu – UTIC	„10“- budžet	420.000

4.11	614300	ISKOOM-softver za obrazovanje odraslih	Efikasno upravljanje procesom obrazovanja odraslih i praćenje procesa realizacije programa obrazovanja odraslih	Univerzitet u Sarajevu – UTIC	„10“-budžet	30.000
4.12	614300	Realizacija Zakona o udžbenicima	Realizacija Zakona o udžbenicima, priprema i izdavanje udžbenika	Dobavljači, angažovani recezenti	„10“-budžet	200.000
5.	821500 LAXB6	Nabavka stalnih sredstava u obliku prava				50.000
5.1	821500 LAX052Z	Nabavka licenciranih softvera za osnovne i srednje škole	Obezbjedenje licenciranih softvera osnovnim i srednjim školama	Dobavljači za realizaciju programa nabavke licenciranih softvera	„10“-budžet	50.000

Član 3.

Sredstva utvrđena u Programu utroška sredstava tekućih transfera i izdataka za nabavku stalnih sredstava utvrđenih Budžetom Kantona Sarajevo za 2026. godinu za Ministarstvo za odgoj i obrazovanje Kantona Sarajevo (u daljnjem tekstu: Program) iz člana 2. ove odluke raspoređivat će se prema kriterijima za raspodjelu sredstava po tekućim transferima i izdacima za nabavku stalnih sredstava utvrđenim za svaki program/projekat.

Član 4.

Dodjela sredstava korisnicima u navedenim programima/projektima vršit će se na osnovu pojedinačnih odluka, ugovora ili sporazuma za programe/projekte koje donosi/potpisuje ministrica za odgoj i obrazovanje Kantona Sarajevo.

Član 5.

Korisnici sredstava su obavezni da sredstva koriste namjenski i da Ministarstvu dostave izvještaj sa kompletnom dokumentacijom kojom se dokazuje namjenski utrošak sredstava.

Član 6.

Korisnici sredstava su obavezni da Ministarstvu dostave izvještaje o utrošku sredstava u roku koji će biti utvrđen u pojedinačnim odlukama, ugovorima, sporazumima ili u skladu sa Pravilnikom o finansijskom izvještavanju i godišnjem obračunu budžeta u Federaciji Bosne i Hercegovine („Službene novine Federacije BiH“, broj: 69/14, 14/15, 4/16, 19/18, 3/21 i 97/23)

Član 7.

Ministarstvo će pratiti namjenski utrošak sredstava iz člana 2. ove odluke.



Član 8.

Ministarstvo o utrošku sredstava iz člana 2. ove odluke izvještava Ministarstvo finansija Kantona Sarajevo u skladu sa Pravilnikom o finansijskom izvještavanju i godišnjem obračunu budžeta u Federaciji Bosne i Hercegovine („Službene novine Federacije BiH“, broj: 69/14, 14/15, 4/16, 19/18, 3/21 i 97/23)

Član 9.

Za realizaciju sredstava iz Programa zadužuju se Ministarstvo za odgoj i obrazovanje Kantona Sarajevo i Ministarstvo finansija Kantona Sarajevo, svako u okviru svoje nadležnosti.

Član 10.

Ova odluka stupa na snagu danom donošenja, a objavit će se u „Službenim novinama Kantona Sarajevo“.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo za odgoj i obrazovanje Kantona Sarajevo,
5. Ministarstvo finansija Kantona Sarajevo,
6. Za objavu u „Službenim novinama Kantona Sarajevo“,
7. Evidencija,
8. A r h i v a.

